



L'arnesi novi di i scentifichi

Face parte di e tematiche chì voltanu à spessu in u dibattitu publicu in Corsica : cumu si puderà gestisce megliu l'acqua inde un'isola carca à risorze ma sempre tesa in quantu à e so pruviste ? Da circà à risponde ci, hà cunsacratu l'Università di Corsica un duminiu di ricerca à a gestione di l'acqua in u Mediterraniu. Per via di u laboratoriu Scenze per l'Ambiente, s'interessa una squadra di cercadori in idrogeologia à u ciculu di l'acqua isulana è à l'influenze di u clima nant' à a so evuluzione. *"Si tratta di capisce megliu u funzionamentu di l'acqua superficiale è di sottu terra per creà l'arnesi scentifichi da pudè seguità è gestisce megliu a risorza",* spiega Frédéric Huneau, prufessore d' idrogeologia. *Tandu, ci vole à esse capace à di induv'ella hè, d'induve vene, chì sò e so caratteristiche, è di ricostituiscè u so caminatu sottu terra per capisce cumu si rinnova a risorza".* In u quadru di i so travagli, hà messu in ballu u cercadore un metu-du d'investigazione geochimiche è isotopica da pudè stimà "l'età di l'acqua" ch' l'arnesi cum'è u carboniu-14 o gasi capaci à misurà u rinnovu di e pruviste è à fa ipotesi nant' à l'origine è u parcorsu di l'acqua inde l'aquiferi – e pruviste sottu terra sfruttate per l'acqua beighja o l'annacqua. Permettenu st'analisi di capisce quandu si rinnova a risorza, di precisà l'evuluzione di a so quantità o di sapè s'ella hè influenzata a so qualità da l'attività umane. *"Di sicuru, tenimu contu di l'evuluzione climatiche, preciseghja Frédéric Huneau. Valutemu u so impattu nant' à a qualità è a quantità di l'acqua".* Anu studiati in particolare i scentifichi i pughjoli di a laguna di Biguglia, da circà à misurà l'effetti di l'urbanisazione litorale nant' à e risorze in acqua. In u frattempu, s'interessanu dinù i cercadori à u pianottolu di calcariu di Bonifaziu, un situ turisticu assai chì accoglie circa 2 milioni di visitatori à l'annu. A so ambizione : stimà u potenziale acquiferu di e zone sottumesse à una pressione di l'omi. Cù una quarantina di surgijente cense nant' à u territoriu, face parte



a Corsica di e regione di Francia ch' anu u più ghjacementi d'acqua sotterranea termo-minerale. Frà quessi, ci sò a Piaghja urientale è a Castagniccia induv'elli sò impegnati assai i cercadori. A finalità di sti studi ? Si tratta di creà l'arnesi d'aiuti à a decisione per anticipà l'evuluzione di a risorza. Hè tamanta l'imbusca per a Corsica. Incu à so geografia, si busca l'isola assai risorze in acqua per via di u so potenziale idricu, u più impurtante di u Mediterraniu. Ma ùn hè uguale a so scumpartera longu à u territoriu è di pettu à a friquitazione di l'estate. Basta à aghjustà ci a sicchia per creà una situazione di tensione. Tandù, s'interessa dinù a ricerca à u funzionamentu di l'acqua sottu terra da creà una risorza di sostituzione per l'acqua di surfazia, sfruttata assai oghje. Ne dicenu abbastanza i sciffrì : invece chì à u livellu naziunale vene 80 % di l'acqua consumata da risorze sotterranee è 20 % di surfazia, in Corsica sò ste prupurzione di 60 % è 40 %.

"Di manera generale, hè menu sposta l'acqua sotterranea à a polluzione ch'è quella di surfazia, facu sapè Frédéric Huneau. Hè più bona a so qualità. Tandù, averà a Corsica interessu à dà si i mezi di sfruttà di più stu potenziale da assicurà si risorze nove per l'avvene".